



Tokanga'i ange 'a e 'ū uepisaiti 'oku ke lomi ai - he 'e malava pe ke hoko ha fehālaaki 'o faka'ohovale ha'o sio ai ha ngaahi me'a 'oku fakalielia mo fakalilifu.

Ko e hā ha me'a teu fai kapau teu sio 'i ha 'uuni me'a fakalielia mo ta'e'ufi'ufi'l 'i he 'initaneti?

Mahalo pē na'a ke ta'etokanga 'o ke lomi'i 'e koe ha fo'i afo 'o ke 'ohovale mo manavahē he sio he 'ū īmisi ne 'asi aí. Pe na'e faka'ai'ai koe 'e hao ngaahi maheni ke ke kumi ha ngaahi īmisi fakalielia mo telefua. Pe ko ho'o fie'ilo koe'uhī ko e liliu 'oku hoko ki ho sinō pea mo ho'o tauhi vā fakakaume'a.

'Oku mahu'inga ke ke 'ilo ko e 'uuni me'a fakalielia 'oku 'ikai toe 'ufi'ufi'i 'ene 'asi 'i he 'initaneti 'e fakatupu maumau ma'u pe kia koe mo ho ngaahi maheni. 'E lava:

1. ke hala ai 'a ho'o ma'u ki he founiga totonu 'o e tauhi vā fe'ofo'ofani pea mo e mōhengā, 'o uesia ai 'o 'ikai lava ke fai ha feohi fefaka'apa'apa'aki.
2. ke ne fakafōtunga hala 'a e tō'onga totonu 'a e kakai tangatā mo e kakai fefiné.
3. ke ne faka'ai'ai e fakamamahi'i pe houtamaki ki he kakai fefiné, pea 'oku 'ikai totonu ke pehē.

Kapau 'oku ke fiema'u ha fakamatala 'oku mo'oni, tonu mo tuha mo ho ta'u pea ke 'eke ki ha taha lahi pe maheni falala'anga.

Ko hono tufaki ha ngaahi 'ata telefua pe natula fakalielia 'o ha fānau iiki 'oku 'ikai 'aupito ko ha me'a 'oku sai. Kapau te ke sio ha me'a pehē, 'oku totonu ke ke lipooti ia ki he kau polisi.

Ko e hā ha me'a teu fai kapau teu sio ha tō'onga fekainaki fakalilifu 'i he 'initaneti?

'Oku 'i ai e ni'ihi mo e 'ū kulupu 'oku nau tufaki 'i he 'initaneti 'a e ngaahi fakatātā mo e fakamatala 'oku matu'aki fakalilifu, hangē ko e ngaahi īmisi fetā'aki, mate pe lavelavea 'i ha fakatu'utāmaki. Mahalo kuo ke 'osi sio ha īmisi na'e faka'ohovale pe fakailifia kiate koe. Taimi 'e ni'ihi ko e taumu'a ia 'oku sai pē, ka kiate koe mo ha ni'ihi kehe, ko e ngaahi īmisi peheé, 'e lava ke hoko ai ha maumau faka'atamai.

Fai ha me'a ke ne mapule'i 'a e me'a 'oku ke sio ai

Manatu'i 'oku lelei kiate koe ke ke pule'i 'a e me'a 'oku ke fiema'u ke sio pe 'ikai sio ai he 'initaneti. 'E lava ke ke mapule'i eni 'aki ha'o:

1. Hū pe ki he 'ū uepisaiti 'oku ke 'ilo mo falala ki ai.
2. Hū pe 'o kau ki ha ngaahi kulupu 'oku nau fevahevahe'aki ha ngaahi īmisi mo e 'uuni me'a 'oku malu mo 'aonga.
3. Lipooti ha ngaahi īmisi pe 'uuni me'a ta'etaau mo fakamanavahē kiate koe. Ke tānaki atu ha fakamatala fekau'aki mo hono lipooti ha ngaahi īmisi pe vitiō he Facebook, vakai ki he 'enau [Help Centre](#). 'E tokoni ha'o lau 'a e tu'utu'uni [Community Standards](#) 'a e Facebook ke ke 'ilo ai 'a e me'a 'oku ngofuá pe 'ikai ngofua 'i he peletifoomu.
4. Lipooti 'a e ngaahi īmisi pe 'uuni me'a ta'efakalaó ki he kau polisi.
5. Talanoa ki ha kakai lalahi falala'anga mo ha ni'ihi mei ho'o kaungā fetokoni'aki ki ha fakamatala, tokoni mo e poupou 'oku toe lahi ange.

X

Give feedback on this comment

We use your feedback to help us learn when something's not right.

Nudity
Violence
Harassment

Suicide or Self-Injury
Unauthorized S

Terrorism

If someone is in immediate danger, call 911 or local emergency services. Don't hesitate.